



LISUNGI KOLONGWA NA LIKOLO

COMPIÉ PAR
WATSON GOODMAN

LIKABO — MPO NA KOTEKA TE

LISUNGI KOLONGWA NA LIKOLO

“LISUNGI KOLONGWA NA LIKOLO” ezali koyangana na biteni na Maloba na Nzambe tojui kati na Biblia. Na miso na ngai maloba na Biblia efungolaka ntina na Maloba mosusu na Biblia.

Maloba na Njambe elongwi “na likolo” mpe ejali kosunga mitema oyo mijali na mposa na boyengebene. Njambe ajali komonisa epai na moto oyo ajali kobongwa motema, koteka masumu, mpe koyamba Kristo kofanda kati na motema na ye, mpe kondima na motema nyoso ete Mokonji Yesu Kristo ajali mobikisi na ye. Njambe akopesa ye esengo na Ye mpe kimia kati na motema na ye. Najuaki kobikisa oyo na 1937. Biso na Njambe tokabalani te kino lelo. Napameli yo komipesa epai na Njambe pelamoko Mobikisi mpe Mokonji na yo. —Watson Goodman

Text reprinted from the Bible in Lingala by permission of the United Bible Societies Regional Centre, Nairobi, Kenya.

BOLINGO NA NJAMBE

1

Yoane 3.16

Mpɔ ete Njambe alingaki mokili na motindo boye ete apesi Mwana-nalikinda na ye ete moto na moto oyo akondima ye abebisama te kasi ete ajala na bomoi na seko.

Yilimia 31.3

Yawe amonanaki epai na ye longwa na kala, ye ete, Nalingi yo na bolingo na seko, bongo naumelisi boboto na ngai epai na yo.

Yoane 13.1

Liboso na Elambo na Elekeli, Yesu ayebaki ete elaka esili ko-

koka ete alongwa na mokili oyo kokenda epai na Tata. Alingaki bato na ye moko baoyo bajalaki kati na mokili; alingaki bango kino nsuka.

Baloma 5.8

Nde Njambe amonisi bolingo na ye mpɔ na biso na njela oyo: naino ejalaki biso bato na masumu, Klisto akufelaki biso.

Emoniseli 1.5

Mpe na Yesu Klisto, ye motatoli na sembo, ye mobotami na liboso kati na bakufi, mpe mokonji na bakonji na nse. Ye alingaki biso, mpe asukoli biso na masumu na biso na makila na ye.

2 YESU KLISTO AJALI NJAMBE

Matai 1.22, 23

Likambo oyo mobimba ebimi ete liloba na Nkolo likoka, lokola elobaki mosakoli ete, Tala mwana mwasi akojua jemi mpe akobota mwana mobali mpe bakobianga nkombo na ye Emanuele ntina na yango: Njambe na biso elongo.

Yoane 1.1 mpe 14

Na ebandeli Liloba ajalaki, mpe Liloba ajalaki mboka na Njambe, Liloba ajalaki mpe Njambe. . . Liloba akomi mosuni mpe atemisi mongombo na ye kati na biso mpe tomoni nkembo na

ye, nkembo lokola mwana oyo abotami lokola mwana-nal. kindalongo na Tata; atondi na ngolu mpe na solo.

Yoane 14.9, 10

Yesu alobi na ye ete, Najali na bino ntango molai boye, nde yo Filipino, oyebi naino ngai te? Ye oyo amoni ngai asili komona Tata. Mpo na nini yo olobi ete, Monisa biso Tata? Ondimi te ete ngai najali kati na Tata mpe Tata kati na ngai? Makambo majali ngai koloba na bino, nasololi yango na monoko na ngai moko te. Kasi Tata oyo afandi na kati na ngai akosalaka misala na ye.

YESU, MWANA NA NJAMBE

3

1 Yoane 4.15

Soko moto akoyambola ete Yesu ajali Mwana na Njambe, Njambe ajali kouwela kati na ye mpe ye kati na Njambe.

Yisaya 9.6

Jambi mwana abotameli biso, mwana mobali apesameli biso; bokonji ekojala likolo na libeka na ye, nkombo na ye akobiangama ete, Mosungi na kokamwa, Njambe na nguya, Tata na seko, Nkolo na kimia.

Matai 17.5

Ejalaki ye koloba, tala lipata na kongenga ejipi bango mpe mongongo kati na lipata elobi ete,

Oyo Mwana na ngai na bolingo, nasepeli ye mingi. Boyoka ye!

Matai 3.17

Mpe mongongo uta na Likolo elobi ete, Oyo Mwana na ngai na bolingo, nasepeli ye mingi.

Bakolose 2.9

Jambi litondi mobimba na Bonjambe ekofandaka kati na ye na motindo na njoto.

Luka 1.35

Mwanje ajongisaki monoko ete, Molimo Mosanto akoya likolo na yo, mpe nguya na Oyo-Aleki-Likolo ekojipa yo. Yango wana mwana na bulee oyo akobotama akobiangama Mwana na Njambe.

4 YESU AYEBISI BISU AJALI NANI

Yoane 11.25

Yesu alobi na ye ete, Ngai najali lisekwa mpe bomoi. Ye oyo ajali kondima ngai, ata asili kokufa, akobika.

Yoane 8.23

Alobi mpe na bango ete, Bino bouti na nse, ngai nauti na Likolo. Bino bouti na mokili oyo, ngai nauti na mokili oyo te.

Yoane 9.5

Naino ejali ngai kati na mokili, najali moi na mokili.

Yoane 6.35

Yesu alobi na bango ete, Ngai najali kwanga na bomoi, ye oyo

akoyela ngai, akoyoka njala te mpe ye oyo akondima ngai akoyoka lisusu mposa na mai te.

Yoane 10.7

Bongo, Yesu alobi na bango lisusu ete, Solo solo najali koloba na bino ete, Ngai najali ekuke na bampate.

Yoane 13.13

Bino bokobianga ngai Molakisi mpe Nkolo, mpe bojali koloba sembo mpo ete najali bongo.

Yoane 8.58

Yesu alobi na bango ete, Solo solo nalobi na bino ete, Naino ejalaki Abalayama te, ngai najali.

Matai 20.30 mpe 34

Tala bato mibale bakufi miso bafandi na njela. Eyoki bango ete Yesu ajali koleka, bangangi ete, Nkolo, yokela biso mawa, ε Mwana na Dawidi! . . . Yesu ayoki mawa mpe amami miso na bango mpe nokinoki bamoni lisusu mpe babili ye.

Matai 14.19-21

Alaki ete bibebe bafanda na matiti. Esili ye kokamata mikate mitano mpe mbisi mibale, atali na likolo mpe apamboli mpe abuki mpe apesi mikate epai na bayekoli na ye mpe bayekoli bapesi na bibebe. Bango yonso balei

mpe batondi. Balokoti ndambo itikali kotondisa mitete jomi na mibale. Baoyo balei bajalaki babali nkoto mitano, kotanga basi mpe bana te.

Luka 5.4-6

Wana etikaki ye kosolola, alobaki na Simona ete, Tinda bwato kuna na mai bojindo, mpe kitisa maluba na bino mpo na kokanga mbisi. Simona alobaki ete, Tosali mosala butu mobimba, Molakisi, nde tojui elokɔ te. Nde mpo na monokɔ na yo nakokitisa maluba. Basalaki bongo mpe bakangaki ebele monene na mbisi, maluba na bango mpe makatanaki.

6 YESU KLISTO AJALI MOJALISI MPE MOKONJI

Baɓɓe 1.2

Njambe. . . Na mikolo oyo na nsuka asololi na biso kati na Mwana oyo atii ye mosangoli na libula na biloko yonso; na ye mpe ajalisaki bikeke.

Baloma 14.9

Jambi Klisto akufaki mpe ajua-ki bomoi lisusu mpo na oyo ete ajala Nkolo na bakufi mpe na bato na bomoi lokola.

Yoane 1.3

Biloko yonso ijalisami na ye mpe soko na ye te, eloko moko ejalisami te.

1 Bakolinti 1.9

Njambe akokokisa bilaka na ye; ye moko abiangi bino ete bo-

sangana na Mwana na ye Yesu Klisto, Nkolo na biso.

Misala 2.36

Na bongo tika ete libota mombimba na Yisalaele bayeba solo ete Njambe ajalisi ye Nkolo mpe Klisto, ye Yesu oyo bino bobakisi ye na ekulusu.

Bakolose 1.16

Mpo kati na ye, biloko yonso bijalisamaki, na biloko na Likolo mpe biloko na nse, biloko bikomonanaka mpe biloko bijangi komonana, na kiti na makonji, na bonkolo, na mikolo, na mikonji — biloko yonso bijalisamaki na maboko na ye mpe mpo na ye.

YESU KLISTO AJALI JUJI NA BATU YONSO 7

Yoane 5.22

Tata ajali kosambisa moto te, kasi asili kopesa kosambisa yonso epai na Mwana.

Baloma 14.10

Mpo na nini yo okofundaka ndeko na yo? Mpo na nini yo okotiola ndeko na yo? Jambisi biso yonso tokotelema liboso na esambiselo na Njambe.

Misala 10.42

Alaki biso kosakola na bato mpe kotatola ete ye wana ajali Moponami na Njambe lokola Mosambisi na bato na bomoi mpe na bakufi.

2 Timote 4.1

Liboso na Njambe mpe na Klisto Yesu, ye oyo akosambisa bato na bomoi mpe bakufi, mpe mpo na komonana na ye mpe Bokonji na ye, najali kolaka yo ete.

Baloma 2.16

Na mokolo yango wana Njambe akosambisa makambo na nkuku na bato na njela na Yesu Klisto. Nsango Malamu na ngai ejali bongo.

Matai 25.32

Akoyanganisa mabota yonso liboso na ye mpe akokabola kati na bango lokola ekosalaka moba-teli na bampate mpe bantaba.

8 MOSIKOLI AJALI BOBELE KLISTO

Yoane 10.9

Ngai najali ekuke. Soko moto nani akoingela na njela na ngai, akobika mpe akoingela mpe akobima mpe akojua bilei.

Yoane 14.6

Yesu alobi na ye ete, Ngai najali njela mpe solo mpe bomoi. Moto akokoma epai na Tata te soko na njela na ngai te.

Misala 4.12

Lobiko mpe ejali na moto mosusu te, mpo ete nkombo mosusu te esili kopesama awa na nse kati na bato ete tokoka kobika mpo na yango.

Yoane 8.24

Boye nalobi na bino ete bokokufa kati na masumu na bino. Soko bokondima te ete ngai najali oyo ejali ngai mbe bokokufa na masumu na bino.

Baebele 5.9

Mpe esili ye kobongisama kwa, akomaki eutelo na lobiko na seko mpo na bango yonso bakotosaka ye.

Baebele 7.25

Bongo ayebi kobikisa bango bakobelema na Njambe na njela na ye, awa ejali ye na bomoi libela ete abondela mpo na bango.

Luka 19.10

Mpɔ ete Mwana na moto ayei koluka mpe kobikisa yango ebungani.

Tito 2.14

Ye amipesaki mpɔ na biso ete asikola biso na kilikili yonso mpe ete apɛtɔla mpɔ na ye moko libota na ye mpenja, baoyo bajali na mposa na kosalaka misala malamu.

Bakɔlɔse 1.12-14

Botɔnda Tata, ye oyo abɔngisi bino mpɔ na kojua likabo na bino na libula na Babulami kati na moi. Ye abikisi biso longwa na nkanga na molili mpe akɔtisi biso na bokonji na Mwana na ye na

bolingo. Kati na ye tojali na lisiko, yango kolimbisama na masumu.

1 Bakɔlinti 1.30

Bino bojali kati na Yesu Klisto mpɔ na ye. Njambe ajalisaki ye mayele mpɔ na biso, ajali mpe boyengebene na biso mpe bulɛe mpe lisiko.

Emoniseli 5.9

Bayembi loyembo na sika ete: Obɔngi na kokamata mokanda yango mpe na kokangola bilembo na yango, mpɔ ete obomami mpe na makila na yo osikoli mpɔ na Njambe bato na mikili yonso, na minoko yonso, na bibolo yonso, na mabota yonso.

10 MAKILA NA KLISTO ASIKOLAKA BISO

Baefese 1.7

Na ye tojui lisiko na njela na makila na ye, kolimbisama na mabunga pelamoko ngolu na ye efuluki mingi mpenja.

1 Yoane 1.7

Nde soko tokotambolaka na moi, pelamoko ye ajali kati na moi, tokojalanaka na lisangana na biso mpenja mpe makila na Yesu, Mwana na ye, makopetolaka biso na masumu yonso.

1 Petelo 1.18, 19

Boyebi ete bosili kosikwa kati na bijaleli na bino na mpamba bilongwi na bankoko, na biloko bikopola lokola palata soko wo-

lo te, kasi bosili kosikwa na makila na Yesu Klisto maleki yonso na motuya, lokola makila na mwana na mpate oyo na mpota te mpe na litono te.

Baebelē 9:14

Na koleka mpenja, makila na Klisto, ye oyo amipesaki epai na Njambe na litono te kati na Molimo na seko, makopetola lisosoli na biso longwa na misala na kufa kino mosala kosalela Njambe na bomoi.

Baloma 5.9

Na koleka mpenja, awa elongi biso na njela na makila na ye, tokobika na ntango na nkanda.

1 Yoane 5.4

Mpo ete moto na moto oyo asili kobotama na Njambe akolekaka mokili. Elonga oyo eleki mokili ejali kondima na biso.

Baefese 2.8, 9

Bobiki na ngolu na njela na kondima; yango euti na bino te, ejali likabo na Njambe. Euti na misala te ete moto amikumisa te.

Yoane 20:31

Kasi oyo bisili kokomama ete bondima ete Yesu ajali Klisto, Mwana na Njambe mpe ete, wana ekondima bino, bojala na bomoi na seko kati na nkombo na ye.

Yoane 6.28, 29

Balobi na ye ete, Tosala nini ete tosala misala na Njambe? Yesu ajongisi monoko mpe alobi na bango ete, Mosala na Njambe ejali boye ete bondima motindami na ye.

Baloma 5.1

Na bongo, esili biso kolonga na njela na kondima, tojali na kimia liboso na Njambe mpo na Nkolo na biso Yesu Klisto.

Bagalatia 5.6

Mpo ete kati na Klisto Yesu, kokatama ngenga soko esute ejali na ntina te; kasi bobele kondima oyo ekosalaka mosala na bolingo.

Njembo 103.17

Kasi boboto na Yawe ejali lobiko na lobiko likolo na baoyo bakobangaka ye mpe boyengebene na ye kino bana na bana.

Mika 7.18

Nani ajali Njambe lokola yo, ye oyo alimbisi masumu, mpe atiki lipengwi na litika na libula na ye? Akobatela nkanda na ye libella te mpo ete asepeti kosalaka na boboto.

Tito 3.5

Abikisi biso na ntina na misala misalaki biso na boyengebene te, kasi mpo na mawa na ye moko; na njela na kosukola na kopetwa

mpe na kobotama lisusu mpe kotalisama eloko na sika na Molimo Mosanto.

Njembo 108.4

Jambi boboto na yo ejali monene kino lola; mpe sembo na yo bobete kino mapata.

Njembo 103.11

Jambi lokola molai na lola ejali na likolo na mokili, boboto na ye ejali monene boye epai na baoyo bakobangaka ye.

Bileli 3.22, 23

Mpo na boboto na Yawe, tobebisami te, makambo na mawa na ye makosuka te. Majalisami na sika ntongo na ntongo; kondimana na yo ejali monene mpenja.

NJAMBE ALOBI ETE TOYAKA EPAI NA YE 13

Matai 11.28

Boya liboso na ngai, bino yonso bojali kolemba na mosala mpe kokumba bojito mpe nako-pemisa bino.

Emoniseli 22.17

Molimo mpe Mwasi na libala balobi ete, Yaka! Tika moyoki aloba ete, Yaka! Tika ete moto na mposa na komela aya, mpe oyo ajali na mposa akamata mai na bomai lokola likabo.

Yisaya 1.18

Boye, tolobana likambo elongo moko; Yawe alobi bongo. Ata masumu na bino ijali motane lo-

kola ngola, ikokoma pee lokola mbula mpembe; ata ijali motane lokola makila, ikojala lokola nku-nja na bampate.

Yoane 7.37

Na mokolo na nsuka, mokolo monene na Elambo, Yesu atele-mi mpe angangi ete, Soko moto ajali na mposa na komela, aya mboka na ngai mpe amela.

Yisaya 55.1

E moko na moko oyo ayoki mposa na komela, yaka epai na mai! Ye oyo ajali na mosolo te, yaka, osomba mpe olia! Yaka, osomba vinyo mpe mabele, na mosolo te, na motuya mpe te.

14 BATU YONSO TE BAJALI BANA NA NJAMBE

Yoane 1.12

Kasi epai na baoyo bayambi ye, apesi bango bokonji na kojala bana na Njambe, na baoyo bandimi na nkombo na ye.

1 Yoane 3.10

Bana na Njambe mpe bana na Satana bakomnana polele na likambo oyo. Moto na moto oyo ajangi kosalaka boyengebene auti na Njambe te; na oyo ajangi kolinga ndeko na ye lokola.

Baloma 8.14, 15

Baoyo yonso bakambami na Molimo na Njambe bajali bana

na Njambe. Boyambi molimo na boombo te ete bojonga na makambo na nsomo, kasi boyambi molimo oyo apesi lokumu na bana; na yango mpe tokobee-laka ete Aba! Tata!

2 Bakolinti 6.17, 18

Yango wana, bobima na kati na bango, mpe bokabwana na bango. Njambe alobi bongo. Bomama eloko na mbindo te, mpe boye nakoyamba bino. Nakojala tata epai na bino, mpe bino bokojala bana na ngai babali mpe bana na ngai basi. Nkolona-Nguya-Yonso alobi bongo.

LIKAMBO NJAMBE ALOBI NA NTINA NA MASANGA 15

Masese 23.31, 32

Tala vinyo te wana ejali motane, wana ejali kongenga kati na kopɔ, wana ekomelama na motindo molulami. Na nsuka ekokata lokola nyoka, ekojokisa lokola etupa.

Bagalatia 5.19-21

Misala na njoto imonani polele, yango oyo: ekobo, makambo na bosoto, pite, kosambela bikeko, ndoki, nkaka, kowelana, jua, nkanda, kolulela, kokabwana, koponapona, koboma bato, kolanga masanga, bilambo na lokoso mpe makambo na motindo yango. Najali kokebisa bino

lokola ekebisaki ngai bino liboso ete baoyo bakosalaka makambo yango bakosangola Bokonji na Njambe te.

Baloma 13.13, 14

Totambolaka na ejaleli ekoki na moi; na bilambo na lokoso te, na kolanga masanga te, na pite mpe na mobulu te, na kowelana soko na jua te. Kasi bolata Nkolo Yesu Klisto lokola elamba mpe bokanisa te mpo na kosepela mposa na njoto.

Masese 20.1

Vinyo ejali motuki mpe masanga ekongala; ye oyo akojimbisama na yango ajangi mayele.

16 NJELA BISO MPENJA TOPONI EKOKANI TE

Matai 22.37, 38

Alobi na ye ete, Okolinga Nkolo Njambe na yo na motema na yo mobimba mpe na molimo na yo mobimba mpe na makanisi na yo mobimba. Oyo ejali mobeko moleki monene mpe oyo na liboso.

Malako 10.17-22

Molakisi malamumu, nasala nini mpo na kojua bomoi na seko? Yesu alobi na ye ete, Ojali kotanga ngai malamumu mpo na nini? Moto malamumu ajali te, bobele Njambe. Oyebi malako: Boma moto te, salla ekobo te, yiba te, tatola likambo na lokuta te, botola eloko na

moto te, kumisa tata na yo mpe mama na yo. Alobi na ye ete, Molakisi, nasili kotosa oyo yonso longwa na bolenge na ngai. Yesu atali ye mpe alingi ye; alobi na ye ete, Ojangi bobele eloko moko; kenda kotekisa biloko yonso bijali na yo, kabola yango na babola, mpe okojala na mosolo na Likolo: mpe yaka, bila ngai. Eyoki ye liloba yango, akangi elongi na ye, alongwi na mawa mpo ete ajalaki moju na biloko mingi.

Masese 16.25

Njela ejali oyo emonani malamumu na moto, nde nsuka na yango bobele njela na kufa.

Baefese 5.6

Tika te ete moto ajimbisa bino na maloba na mpamba; mpo na makambo oyo, nkanda na Njambe esopani epai na bana na nkanja.

Yakobo 1.22

Bojalaka nde batosi na liloba, bobele bayoki mpamba te, komijimbisa bino mpenja.

1 Bakolinti 6.9, 10

Boyebi te ete bato na masumu bakosangola libula na Bokonji na Njambe te? Bomijimbisa te, moto na pite mpe basambeli na bikeko mpe bato na ekobo mpe bakembi na nsani mpe mibali ba-

mibebisi na mibali mpe bayibi mpe bato na bilulela mpe balangi masanga mpe batuki mpe babotoli bakosangola Bokonji na Njambe te.

1 Yoane 3.7, 8a

Bana, tika te ete moto apengola bino. Ye oyo akosalaka boyengebene ajali moyengebeni pelamoko ye wana ajali moyengebeni. Ye oyo akosalaka masumu auti na Satana mpo ete Satana ajali kosala masumu longwa na ebandeli.

Bagalatia 6.3

Jambi soko moto nani akanisi ete ajali moto monene wana ajali bongo te, ajali komijimbisa.

Luka 15.32

Nde ekoki ete tosepela mpe tojala na esengo mpo ete ndeko na yo oyo ajalaki mokufi mpe ajali na bomoi lisusu, ajalaki mobungani mpe ajuami.

Masese 11.19

Lokola boyengebene ekoyeisa bomoi, bongo ye oyo akobilaka mabe akokoma na kufa na ye mpenja.

Baloma 5.12

Na bongo, mabe ekotaki na mokili mpo na moto moko, mpe kufa ekotaki mpo na mabe. Kufa mpe epalangani epai na bato yonso mpo ete bato yonso basali mabe.

Yakobo 1.15

Na nsima, esili mposa kojua jemi, eboti lisumu, mpe esili lisumu yango kokola eboti kufa.

Baloma 8.6

Kotia motema na makambo na njoto ekoyeisa bobele kufa, nde kotia motema na makambo na molimo ekoyeisa bomoi mpe kimia.

Ejekiële 18.20

Ye oyo asali lisumu akokufa. Mwana akomema lisumu na tata na ye te, mpe tata akomema lisumu na mwana te, boyengebene na moyengebeni ekojala na likolo na ye, mpe lisumu na moto mabe ekojala na likolo na ye.

Luka 7.14, 15a

Akendaki epai na sanduku mpe amamaki yango, mpe baoyo bajalaki komema batelemaki. Alobaki ete, Elenge mobali, nalobi na yo ete, sekwa! Mokufi afandaki mpe abandaki kosolola. . .

Emoniseli 1.18

Mpe Moto na Bomoi. Nakufaki, nde najali na bomoi libela na libela. Najali na mafungola na kufa mpe na Ewelo.

Yoane 11.43, 44

Elobi ye boye, angangi na mongongo makasi ete, Lasalo, bima libanda. Ye oyo asili kokufa abi-

mi naino ekangami ye na bilamba na makolo mpe na maboko mpe elongi na ye ejingami na litambala. Yesu alobi na bango ete, Bokangola ye mpe tika ete alongwa.

Yoane 10.17, 18

Na ntina oyo, Tata alingi ngai mpo ete natiki bomoi na ngai ete nasimba yango lisusu. Moto alongoli yango na ngai te, nde natiki yango na mokano na ngai mpenja. Najali na bokonji kotika yango mpe najali na bokonji kosimba yango lisusu. Najui lilako oyo epai na Tata na ngai.

Dutelonome 5.7-21

Okojala na banjambe mosusu liboso na ngai te.

Okosala ekeko mpo na yo te, soko elilingi na eloko na lola na likolo te, to na mokili na nse te, to na mai na nse na mokili te. Okokumbamela yango te to kosalala yango te. . .

Okotanga nkombo na Yawe Njambe na yo mpamba te, mpo ete Yawe akolongisa te oyo atangi nkombo na ye mpamba.

Kanisa mokolo na sabata ete obulisa yango, lokola Yawe Njambe na yo alakelaki yo. Okosala mosala mikolo motoba, mpe ko-

silisa mosala na yo yonso, nde mokolo na nsambo ejali sabata epai na Yawe Njambe na yo. . .

Kumisa tata na yo mpe mama na yo, lokola Yawe Njambe na yo alakelaki yo. . .

Okoboma te.

Okosala ekobo mpe te.

Okoyiba mpe te.

Okoloba matatoli na lokuta na ntina na mojalani na yo mpe te.

Okolula mwasi na mojalani na yo mpe te, mpe okoyoka mposa na ndako na mojalani na yo te, soko na elanga na ye te, soko na moombo na ye mobali te, soko

na moombo na ye mwasi te, soko na ngombe na ye te, soko na

mpunda na ye te, soko na eloko nini ejali na mojalani na yo te.

OKOKI KOBOMBAMA NA NJAMBE TE 21

Yobo 34.21, 22

Mpo ete miso na ye ijali likolo na njela na moto, amoni mata-mbe na ye yonso. Molili ejali te, elilingi na kufa mpe te, wana bato mabe bakolukaka komi-bomba.

Yilimia 23.24

Yawe alobi ete, Moto akolonga nde komibomba na bisika na nkuku ete ngai namona ye te? Ngai najali kotondisa na lola mpe na mokili te? Yawe alobi bongo.

Luka 8.17

Mpo ete makambo yonso na nkuku makobima polele, mpe makambo yonso mabombami makoyebana mpe makobima polele.

Njembo 139.8 mpe 12

Soko nabuti na lola, yo ojali kuna; soko nasali mbeto na ngai kati na bakufi, tala, ojali kuna. . . . kasi molili ejali molili liboso na yo te; mpe butu ekotana lokola moi epai na yo.

ETUMBU NA SEKO MPO NA BATU KOBANGA NJAMBE TE

Njembo 9.17

Bato mabe bakojonga na esika na bakufi, mabota yonso baoyo bakobosana Njambe.

Matai 18.8

Soko loboko na yo to lokolo na yo ekosalisa yo lisumu, jenga yango mpe bwaka yango longwa na yo. Eleki malamumu na yo koi-ngela na bomoi lokola ebosono to mokatatali nde kobwakama na moto na seko te wana ejali yo na maboko mibale to makolo mibale.

Matai 13.41, 42

Mwana na moto akotinda banye na ye mpe bakolokota kati

na bokonji na ye makambo yonso makoyokisa nsoni mpe yonso bakosalaka mabe. Mpe bakobwaka yango kino litumbu na moto. Wana ekojala bileli mpe kokatakata na mino.

Matai 25.46

Bango bakolongwa kino etumbu na seko nde bayengebeni kino bomoi na seko.

2 Petelo 3.7

Mpo na Liloba na ye, Likolo mpe nse na ntango oyo ibombami ete ijika; ijali kobatelama kino mokolo na kosambisa mpe na koboma bato bakotiolaka Njambe.

2 Petelo 2.9

Boye Nkolo ayebi kobikisa bango bakosambela ye wana ejali bango kati na komekama nde kobatela bakeseneni kino mokolo na kosamba mpo na kojua etumbu.

Baebele 9.27

Mpe pelamoko ebongi na bato ete bakufa mbala moko mpe nsima ekateli ekoya.

Misala 17.31

Mpo ete asili kopona mokolo wana ekosambisa ye mikili yonso na sembo, mpe akosambisa bango na moto oyo asili kopona. Amo-

nisi bato yonso polele ete ejali solo, mpo ete asekwisi ye na bakufi.

1 Yoane 4.17

Bolingo esili kokoka epai na biso na likambo oyo ete tojala na molende na mokolo na kosamba mpo ete pelamoko ye wana ajali, biso mpe tojali bongo kati na mokili oyo.

2 Bakolinti 5.10

Mpo ekoki na biso yonso komonana liboso na esambiselo na Klisto ete moto na moto ajua yango ekoki na ye mpo na misala misalaki ye na njoto, soko malamu soko mabe.

Misala 4.33

Bantoma mpe batatoli na nguya mingi likambo na lisekwa na Nkolo Yesu, mpe ngolu monene ejalaki na bango yonso.

2 Bakolinti 9.15

Matondi epai na Njambe mpo na likabo na ye liyebi kolobama te.

1 Petelo 5.5b

. . . mpo ete Njambe akotemelaka bato na lolendo, nde akopesaka basokemi ngolu.

Baloma 5.15

Kasi likabo na ngolu na Njambe ejali motindo moko na li-

bunga te. Mpo, soko bato mingi bakufi mpo na libunga na moto moko, ngolu na Njambe mpe likabo na ngolu kati na moto moko Yesu Klisto esili koyikana mpo na mingi mingi na koleka.

2 Bakolinti 8.9

Jambi boyebi ngolu na Nkolo na biso Yesu Klisto, ete ye mojuu akomaki mobola mpo na bino ete bojala bajui mpo na bobola na ye.

Baloma 9.16

Boye ejali likambo na mokano na moto te to na mpiko na ye te nde na boboto na Njambe.

Misala 3.19

Na bongo, bongola mitema, mpe butwa ete bopetwa na masumu ete ntango na kopema euta na Nkolo.

Misala 2.38

Petelo alobi na bango ete, Bongola mitema, mpe batisama moko moko na nkombo na Yesu Klisto mpo na kolimbisama na masumu na bino, mpe bokojua likabo na Molimo Mosanto.

Matai 3.2

Ye ete, Bobongola mitema! Mpo ete Bokonji na Likolo esili kobelega.

2 Bakolinti 7.10

Mpo ete, kojoka motema na mokano na Njambe ekoyeisa kobongwana na motema oyo ekoyeisa kobika mpe ntina na komisema na yango ejali te.

Misala 17.30

Na ntina na ntango na konga boyebi, Njambe akanisi yango te, nde sasaipi ajali kosakola na bato yonso na bisika yonso ete babongola mitema.

Luka 13.3

Nalobi na bino ete, Te, kasi soko bokobongola mitema te, bino yonso bokokufa bobele bongo.

Malako 2.5

Emōni Yesu kondima na bango, alobi na mokatatali ete, Mwana, masumu na yo masili kolimbisama.

Ejekiele 18.21

Soko nde moto mabe akobongwa na masumu masalaki ye mpe akotosa mibeko na ngai yonso, mpe akosala yango ejali sembo mpe alima, akobika solo, akokufa te.

Yisaya 55.7

Tika ete moto mabe alongwa na njela na ye mpe moto na masumu alongwa na mabanja na ye.

Tika ete abutwa epai na Yawe, ete ayokela ye mawa, epai na Njambe na biso, jambi akolimbisa na solo.

Emōniseli 3.20

Yoka, natelempi na ekuke, mpe najali kobeta; soko nani akoyoka mongongo na ngai mpe akojipola monoko na ndako, nakokota epai na ye mpe tokolia elambo, biso na ye.

Misala 5.31

Njambe anetoli ye na loboko na ye na mobali, lokola Mokonji mpe Mobikisi, mpo na kopesa Yisalaele kobongola na motema mpe kolimbisama na masumu.

Yisaya 1.16

Bomisukola, bomipetola, bo-longola mabe na makambo masalaki bino liboso na miso na ngai; botika kosala mabe.

Bakolose 3.2

Bobanjaka makambo na Likolo, bobanjaka makambo na mokili te.

Tito 2.11, 12

Jambi ngolu na Njambe esili komonana mpo na lobiko na bato yonso. Yango ejali kolakisa biso ete toboya kotuka Njambe mpe kobila mposa na mokili, kasi tojala na bijaleli na kokanga

motema mpe na boyengebene mpe na kosambela Njambe kati na ekeke oyo.

Baefese 5.11

Bosangana te na misala na molili mijangi mbuma kasi kososalisa yango polele.

1 Yoane 2.15, 16

Bolinga mokili te soko makambo kati na mokili te. Soko moto nani akolingaka mokili, bolingo na Tata ejali kati na ye te. Jambi makambo yonso kati na mokili, na mposa mabe na njoto mpe mposa mabe na miso mpe njombo na bijaleli iuti na Tata te kasi iuti na mokili.

Yoane 3.3

Yesu ajongisi monoko mpe alobi na ye ete, Solo solo najali koloba na yo ete, soko moto akobotama lisusu te akokoka komo na Bokonji na Njambe te.

2 Bakolinti 5.17

Boye, soko moto ajali kati na Klisto, akomi bojalisi na sika; makambo na liboso malimwi, tala makambo na sika mayei.

1 Yoane 5.18

Toyebi ete moto na moto oyo asili kobotama na Njambe akosalaka masumu te mpo ete ye oyo abotami na Njambe akobabela ye mpe oyo mabe akoyeba kotiela ye loboko te.

1 Petelo 1.23

Bosili kobotama lisusu na momboto nokopola te kasi na oyo ekobika seko mpo na liloba na Njambe lijali na bomoi mpe likoumela seko.

1 Yoane 2.29

Soko toyebi ete ye moyengebeni, toyeba mpe ete moto na moto oyo akosalaka na boyengebene abotami na ye.

Ejekiele 36.26

Nakopesa bino motema na sika, mpe nakotia molimo na sika na kati na bino; mpe nakolongola motema na libanga na kati na mosuni na bino, mpe nakopesa bino motema na mosuni.

ASILI KOKUFA EPAI NA MASUMU — ASILI 29 KOSEKWA EPAI NA KLISTO

1 Petelo 2.24

Ye moko akumbaki masumu na biso na njoto na ye mpenja kuna na njete, ete awa esili biso kokufela masumu, tojala na bomoi mpo na boyengebene. Tobiki na mapipi na ye.

Bagalatia 5.24

Baoyo bajali bato na Klisto Yesu basili kobakisa njoto na ekulusu esika moko na mobulu mpe mposa na yango.

Baefese 2.1 mpe 6

Bino bojalaki bakufi kati na bikweli mpe na masumu na bino. . . mpe asekwise biso na ye;

afandisi mpe biso na ye na bisika na Likolo kati na Klisto Yesu.

Bakolose 3.1

Na bongo, soko bosili kosekwa na Klisto esika moko, bolukaka makambo na Likolo, kuna efa-ndi Klisto na loboko na Njambe na mobali.

Baloma 6.2 mpe 11

Biso tosili kokufela masumu, tokoki kobika na yango boni? . . . Bino mpe lokola, homitanga bino mpenja ete bokufi mpo na masumu nde bojali na bomoi mpo na Njambe kati na Klisto Yesu.

Yoane 3.36

Ye oyo andimi Mwana ajali na bomoi na seko; ye oyo aboyi Mwama akomona bomoi te, kasi nkanda na Njambe ekoumela na ye.

Baloma 6.23

Jambi masumu makofuta mbongo, mbongo yango bobele kufa; nde Njambe akopesa likabo mpamba likabo na ye bomoi na seko kati na Yesu Klisto, Nkolo na biso.

Yoane 5.24

Solo solo najali koloba na bino ete ye oyo akoyoka liloba na ngai mpe akondima Motindi na

ngai, ajali na bomoi na seko mpe akokoma na esambiseli te kasi asili kolongwa na kufa mpe koi-ngela na bomoi.

Bagalatia 6.8

Soko akokona kati na njoto, akobuka libebi kati na njoto; nde ye oyo akokona kati na Molimo akobuka bomoi na seko na njela na Molimo.

Yoane 3.14, 15

Mpe lokola Mose anetolaki nyoka kati na lisobe, boye ekoki na Mwana na moto konetwa, ete moto na moto oyo akondimaka ye ajala na bomoi na seko.

Baloma 8.16

Molimo yango akosangana na milimo na biso kotatola ete tojali bana na Njambe.

1 Yoane 4.13

Tokoyeba na njela oyo ete tojali koumela kati na ye mpe ye kati na biso mpo ete asili kopesa biso Molimo na ye.

Bagalatia 4.6

Mpo ete bino bojali bana, Njambe atindi Molimo na Mwana na ye kati na mitema na biso, konganga ete, Aba! Tata!

1 Yoane 3.18, 19

Bana, bolingana na bolingo na maloba te soko na monoko te

kasi na bolingo na misala mpe na solo. Tokoyeba ete tojali bato na solo na njela oyo, mpe tokondimisa mitema na biso liboso na ye.

Yisaya 32.17

Mosala na boyengebene ekojala kimia mpe nsuka na boyengebene ekojala kimia mpe kondima libela.

Yoane 14.21

Oyo ajali na malako na ngai mpe ajali kotosa yango, ye wana ajali molingi na ngai; molingi na ngai akolingana na Tata na ngai mpe nakolinga ye mpe nakomimnisa epai na ye.

KLISTO KOFANDA KATI NA MOTEMA APESAKA ESENGO

Yoane 15.11

Nasololi makambo oyo na bino ete esengo na ngai ejala kati na bino mpe ete esengo na bino etondisama.

Yoane 17.13

Sasaipi najali koya epai na yo mpe najali kosolola makambo oyo kati na mokili ete batonda na esengo na ngai kati na bango.

Yisaya 12.3

Na esengo bokotoka mai na majiba na kobikisama.

Bagalatia 2.20

Nasili kobakisama na ekulusu esika moko na Klisto. Boye, ngai najali lisusu na bomoi te, kasi

Klisto ajali na bomoi kati na ngai. Mpe bomoi bojali na ngai na njoto sasaipi, najali na yango mpo na kondima Mwana na Njambe oyo alingaki ngai mpe amipesaki ye mpenja mpo na ngai.

Baloma 14.17

Jambi Bokonji na Njambe ejali likambo na kolia mpe na komela te kasi ejali boyengebene mpe kimia mpe esengo kati na Molimo Mosanto.

Njembo 16.11

Okoyebisa ngai njela na bomoi; esengo mingi na kotonda ejali epai na yo; kosepela ejali na loboko na yo na mobali libela.

Baloma 6.16

Boyebi te ete soko bokomipesa bino mpenja epai na moto ete bosalela ye na botosi, bojali baombo na ye oyo bokotosaka, soko baombo na masumu oyo ikokamba kino kufa, soko baombo na botosi oyo ekokamba kino boyenegebene?

2 Batesaloniki 1.7-9

Mpe kopesa bino banyokolami epemelo esika moko na biso na ntango na komonana na Nkolo Yesu wana ekobima ye na Likolo esika moko na banje na ye na nguya, kati na epelelo na moto

ete apesa bato mabe etumbu baoyo bayebi Njambe te mpe bajangi kotosa Nsango Malamumu na Nkolo na biso Yesu. Bakojua lifuti na kobeba na seko mpe kobwakama libanda longwa na liboso na ye mpe longwa na nkembo na nguya na ye.

Dutelonome 11.26-28a

Tala, natii na liboso na bino lelo lipamboli mpe elakeli mabe, lipamboli soko bokotosa malako na Yawe Njambe na bino, oyo elakeli ngai bino lelo, mpe elakeli mabe soko bokotosa malako na Yawe Njambe na bino te.

Bafilipi 2.11

Mpe ete ndemo yonso iyambolaka ete YESU KLISTO YE NKOLO mpo na nkembo na Njambe Tata.

Matai 10.32, 33

Boye, moto na moto oyo akoyambola ngai liboso na bato, ngai mpe nakoyambola ye liboso na Tata na ngai na Likolo. Nde ye oyo akoangana ngai liboso na bato, ngai mpe nakoangana ye liboso na Tata na ngai na Likolo.

Baloma 10.9, 10

Soko okoyambola na bibebu na yo ete Yesu ajali Nkolo mpe soko okondima na motema na

yo ete Njambe asekwisi ye na bakufi, okobika. Jambi kondima oyo ekokomisa moto na boyengebene ejali na motema, mpe eyambweli ekokomisa moto na lobiko ejali na bibebu.

1 Yoane 2.23

Bato yonso baoyo bakoangana Mwana bajangi mpe Tata. Ye oyo akoyambola Mwana, ajali mpe na Tata.

Luka 9.26

Mpo ete soko moto nani ayokeli ngai na maloba na ngai nsani, Mwana na moto akoyokela ye nsani wana ekoya ye na nkembo na ye, mpe na Tata na ye, mpe na banje na bulee.

1 Petelo 5.8

Bomisenjela, bolala mpongi te; motemeli na bino, oyo mabe, ajali kotambola lokola nkosi konguluma, kolukaka soko akolia nani.

Baefese 6.11

Bolata molato mobimba na etumba na Njambe ete boyeba kotelema liboso na mayele na oyo mabe.

Matai 4.1 mpe 10, 11

Bongo Molimo akambi Yesu kino lisobe ete Satana ameka ye. . . . Yesu alobi na ye ete, Longwa na yo, Satana. Jambini ekomami ete, Okokumbamela Nko-

lo Njambe na yo mpe okosalela bobele ye. Bongo, Satana atiki ye mpe tala banje bayei mpe baseleli ye.

2 Batesaloniki 2.9

Koya na ye Moto na Lofundo ekojala mpo na mosala na Satana, mosala na nguya yonso mpe na bilembo mpe na bikamwiseli na lokuta.

Misala 26.18

Ete babongwa na molili epai na moi, mpe na nguya na Satana epai na Njambe; ete bajua kolimbisa na masumu mpe libula kati na bango basili kobulama mpo na kondimela ngai.

1 Yoane 3.8

Ye oyo akosalaka masumu auti na Satana mpo ete Satana ajali kosala masumu longwa na ebandeli. Yango wana, Mwana na Njambe amonani ete abebisa misala na oyo na mabe.

2 Batesaloniki 2.8

Bongo, Moto na Lofundo akomonana polele, ye oyo Nkolo Yesu akoboma ye na mpema na monoko na ye mpe akobebisa ye nye wana ekomonana ye na ntango ekoya ye.

Baheber 2.14

Na bongo, awa ejali bana kosingana na makila mpe na mosuni, bobele bongo ye mpe asa-

ngani na yango na ntina ete na njela na kufa abebisa ye oyo ajali na bokonji na kufa, ye wana oyo na mabe.

Yakobo 4.7, 8a

Na bongo, botosaka Njambe. Botemelaka oyo na mabe mpe akokima longwa na bino. Bobelema epai na Njambe mpe ye akobelema epai na bino.

Baloma 8.35 mpe 37

Nani akotangola biso na bolingo na Klisto? Boloji soko nkaka soko minyoko soko njala soko bolumbu soko likamba soko mopanga? . . . Kasi na makambo oyo yonso tokoleka kolonga na mpo na ye oyo alingaki biso.

SOKO OZALI NA BOLINGO TE, OZALI MOYEKOLI NA YESU TE

37

Bagalatia 5.22, 23a

Nde mbuma na Molimo ijali boye: bolingo, esengo, kimia, motema petee, boboto, malamumu, kondima, bopolo mpe komikanga motema.

1 Bakolinti 13.1

Ata nakolobaka na maloba na bato mpe na banje nde najangi bolingo, najali bobele ngonga ekolobaka ngbaa ngbaa to elonja ekolobaka ngbengbele ngbengbele.

1 Yoane 4.20

Soko moto nani alobi ete, Nalingi Njambe, nde ajali koyina ndeko na ye, ye wana moto na

lokuta. Mpo ete ye oyo akolingaka ndeko na ye te, awa esili ye komona ye, akolonga kolinga Njambe te, oyo amoni naino ye te.

Yoane 13.35

Na bongo bato yonso bakoyeba ete bojali bayekoli na ngai soko bojalani na bolingo.

Yoane 21.16

Alobi na ye mbala na mibale ete, Simona, mwana na Yoane, olingi nde ngai? Alobi na ye ete, Ee Motei, yo oyebi ete najali moninga na yo. Alobi na ye ete, Babela bampate na ngai.

Baloma 4.25

Mpɔ akabami mpɔ na mabunga na biso mpe asekwi mpɔ na elonga na biso.

Yoane 20.26-28

Nsima na mikolo mwambe, bayekoli bajalaki lisusu na kati na ndako, mpe Toma esika moko na bango. Yesu ayei wana bikuke bisili kokangama mpe atelemi katikati mpe alobi ete, Kimia ejala na bino! Bongo alobi na Toma ete, Yaka na mosapi na yo mpe tala matandu na ngai. Yaka na loboko na yo mpe tia yango na mopanje na ngai; jala na ntembe te kasi na ko-

ndima. Toma ajongisi monoko mpe alobi na ye ete, Nkolo na ngai mpe Njambe na ngai.

Misala 10.39-41

Biso mpe tojali batatoli na makambo yonso masali ye na mokili na Bayuda mpe na Yelusaleme. Babomi ye, bakakisi ye na njete, Njambe nde asekwisi ye na mokolo na misato, mpe atalisi ye polele, nde na bato yonso te, kasi na batatoli bapɔnami na Njambe liboso. Biso batatoli wana, toliaki mpe tomelaki esika moko na ye na nsima na kosekwa na ye kati na bakufi.

KOSEKWA EZALI ELIKIA NA NKEMBO NA BISO 39

2 Bakolinti 4.14

Toyebi ete ye oyo asekwisi Nkolo Yesu akosekwisa mpe biso esika moko na Yesu mpe akote-misa biso liboso na ye na bino elongo.

Yoane 5.25 mpe 28, 29

Solo solo najali koloba na bino ete, ntango ekoya, ee ejali sa-saipi, wana bakufi bakoyoka mongongo na Mwana na Njambe mpe baoyo bayoki bakojala na bomoi. . . Bokamwa na likambo oyo te, mpo ete ntango ekoya wana yonso bajali kati na nkunda bakoyoka mongongo na ye, mpe

bakobima; baoyo basalaki malamu kino lisekwa na bomoi; baoyo basalaki yauli kino lisekwa na kosambisama.

Baloma 6.3-5

Boyebi te ete biso yonso tobatisami kati na Yesu Klisto, tobatisami kati na kufa na ye? Tokundami na ye elongo na njela na kobatisama, tolali lokola bakufi ete, lokola Klisto asekwaki kati na bakufi mpo na nkembo na Tata, biso mpe totambola na bomoi na sika. Soko tosili kosangana na ye elongo kati na lolenge na kufa na ye, tokosangana mpe na ye kati na lisekwa na ye.

Luka 1.74, 75

Ete tosikolama na nguya na bayini na biso mpo na kosalela ye na kobanga te na mpeto mpe na boyengebene liboso na ye mikolo na biso yonso.

2 Bakolinti 7.1

Balingami, awa ejali biso na bilaka oyo, tomipetola mpenja na mbindo yonso na njoto mpe na molimo mpe tokokisa ejaleli na biso na bulee kafi na nsomo na Nkolo.

2 Timote 2.21

Soko moto nani akomipetola na makambo oyo, akojala eloko mpo

na mosala na lokumu oyo ebulisami mpe ekosepelisa mokolo na ndako; oyo ebongi mpe mpo na misala yonso malamumu.

1 Petelo 1.15

Kasi bojala bulee na bijaleli yonso na bino pelamoko oyo abiangi bino ajali mpe bulee.

1 Petelo 1.2

Njambe Tata aponaki bino pelamoko na boyebi boyebaki ye liboso na njela na kobulisa bino na Molimo mpo na litosi mpe mpo na komwangisama na makila na Yesu Klisto. Ngolu ejala na bino mpe kimia eyikana na bino.

Baebele 13.12

Bobele bongongo mpe Yesu ayokaki mpasi libanda na ekuke mpo na kobulisa bato na njela na makila na ye moko.

1 Yoane 1.9

Soko tokoyambola masumu na biso, ye ajali sembo mpe moyengebeni mpo na kolimbisa biso masumu na biso mpe kopetola biso na bokesene yonso.

Matai 3.11

Ngai nabatisi bino na mai mpo na kobongwana na motema. Ye oyo akoya nsima na ngai aleki ngai na nguya; nabongi kokumba

sapato na ye te. Ye wana akobatisa bino na Molimo Mosanto mpe na moto.

Baefese 1.4

Aponaki biso kati na ye liboso na kojalisama na mokili ete biso tojala bulee mpe na kojanga ekweli liboso na ye kati na bolingo.

Yisaya 35.8

Balabala ekojala wana, njela mpenja; ekobiangama ete, Njela na bulee; baoyo na mbindo bakoleka wana te; kasi ekojala mpo na bango; batamboli, ee ata bajoba mpenja, bakobunga wana te.

Baloma 8.9

Bino bojali bato na njoto te kasi bato na molimo soko Molimo na Njambe afandi kati na bino soko. Ye nani ajangi Molimo na Klisto ajali moto na ye te.

Ejekiele 36.27

Mpe nakotia Molimo na ngai na kati na bino, mpe nakotambolisa bino na mibeko na ngai, mpe bokotosa malako na ngai mpe bokosala yango.

Misala 4.31

Ejalaki bango kolomba, esika eyangani bango eningani. Bango yonso batondaki na Molimo Mo-

santo, mpe na molende basakoli Liloba na Njambe.

Misala 1.8a

Kasi wana ekosila Molimo Mosanto koya na likolo na bino, bokojua nguya, mpe bokojala batatoli na ngai kati. . .

Misala 13.52

Mpe bayekoli batondaki na esengo mpe na Molimo Mosanto.

Luka 11.13

Na bongo soko bino bato mabe boyebi kopesa bana na bino makabo malamumu, Tata na bino na Likolo akoleka kopesa Molimo Mosanto na bango balombi ye te?

Njembo 34.18

Yawe ajali penepene na bango bajali na mitema mitutami; akobikisa bango bajali na milimo mi nyetami.

Emoniseli 21.4

Akolongola mpisoli yonso na miso na bango, mpe kufa ekojala lisusu te, na mawa, na kolela, na mpasi, lisusu mpe te; mpo ete makambo na liboso masili koleka.

1 Petelo 4.12, 13

Balingami, mpo na moto na monyoko mojali kokomela bino lokola emekeli, bokamwa te pelamoko soko ekamwiseli ejali kokwela bino. Kasi motindo mosu-

su, bosepela ete bojali kosangana na mpasi na Klisto ete bosepela na esengo monene wana ekomona nana nkembo na ye.

Njembo 37.3

Jala na elikia epai na Yawe mpe sala malamumu; boye okofanda na mokili mpe okosepela na malamumu.

Yisaya 66.2

Lobako na ngai esali bilako oyo yonso mpe bongo bilako oyo yonso ibimaki. Yawe alobi bongo. Nde nakotalaka epai na moto oyo: ye oyo ajali mosakemi mpe atutami na molimo mpe ajali kolenga mpo na liloba na ngai.

44 ELAKA MPO NA BATU KOJUA KOMEKAMA

Baēbele 2.18

Jambi lokola esili ye moko ko-
yoka mpasi mpe komekama, aye-
bi kosunga bamekami.

Baloma 16.20a

Na ntango moke, Njambe na
kimia akonyatela Satana na nse
na makolo na bino...

Njembo 34.19

Moyengebeni ajali na maka-
mbo mingi na mpasi nde Yawe
akobikisa ye kati na yango yonso.

Baloma 8.28

Toyebi ete Njambe akosalana
mosala mpo na malamumu kati na
makambo yonso epai na bango

bakolingaka ye, bango babianga-
mi mpo na mokano na ye.

Yisaya 43.2

Wana ekoleka yo kati na mai,
ngai najali na yo, mpe kati na bi-
bale, ikojindisa yo te. Wana eko-
tambola yo kati na moto, okojiki-
sama te, lolemo na moto ekojikisa
yo te.

1 Bakolinti 10.13

Emekeli moko ekomeli bino te
oyo ejangi epai na bato yonso.
Njambe ajali sembo; ye oyo ako-
tika bino te ete bomekama na ko-
leka nguya na bino, kasi esika
moko na emekeli, akobongisa eki-
melo ete bokoka koyika mpiko.

Emoniseli 3.5

Mpo na molongi, ye akolatisma bongo na bilamba mpembe, mpe nakoboma nkombo na ye na Buku na Bomoi te, nde nakoyambola nkombo na ye na miso na Tata na ngai mpe na miso na banye na ye.

Emoniseli 3.12

Mpo na molongi, nakojalisa ye likonji kati na Tempelo na Njambe na ngai, mpe akobima wana lisusu soko moko te; mpe nakokoma nkombo na Njambe na ngai likolo na ye, na nkombo na mboka na Njambe na ngai, yango Yelusaleme na sika oyo ekokita na

Likolo kolongwa na Njambe na ngai, mpe nkombo na ngai na sika.

Emoniseli 3.21

Mpo na molongi nakopesa ye njela na kofanda na ngai elongo na kiti na bokonji na ngai, lokola ngai mpe nalongi mpe nafandi na Tata na ngai elongo na kiti na bokonji na ye.

Emoniseli 2.7

Oyo ajali na litoi ayoka yango elobi Molimo na mangomba ete, Mpo na molongi, nakopesa ye njela na kolia mbuma na njete na bomoi, oyo ejali kati na paladiso na Njambe.

NJAMBE ASOLOLI NA LIKAMBO NA KOKABOLANA NA MWASI MPE MOBALI

Luka 16.18

Mobali na mobali oyo alongoli mwasi na ye mpe abali mwasi mosusu, ajali kosala ekobo; mpe mobali oyo abali mwasi oyo asili kolongolama na mobali mosusu, ajali kosala ekobo.

I Bakolinti 7.10, 11, 39

Epai na baoyo basili kobalana, najali na liloba (kasi ejali na ngai moko te, euti na Nkolo) ete mwasi alongwa na mobali te. Kasi soko akolongwa, atikala kojanga mobali soko ajongi na mobali na ye te. Ekoki na mobali kolongola mwasi na ye te...Mwasi akangami na mobali na ye na ntango

wana ejali ye na bomoi. Soko mobali akokufa, akokangwa ete abalana na ye oyo elingi ye, kasi kati na Nkolo.

Baloma 7.2, 3

Mwasi oyo abalani na mobali akangami na ye na mibeko bobele na ntango na bomoi na mobali. Soko mobali akokufa, akokangwa na mibeko na mobali. Soko afa ndi na mobali mosusu naino mobali na ye ajali na bomoi, akotangama mwasi na ekobo. Nde soko mobali na ye akokufa, akokangwa na mibeko; soko mpe akobalana na mobali mosusu, akojala mwasi na ekobo te.

Yakobo 5.8

Bino mpe, bojala na mitema milai, bolendisa mitema na bino, mpo ete Komonana na Nkolo ejali kobelema.

Matai 24.30

Bongo elemba na Mwana na moto ekomonana na Likolo mpe mabota yonso na mokili bakolela mpe bakomona Mwana na moto ajali koya na mapata na Likolo na nguya mpe na nkembo mingi elongo.

Malako 8.38

Moto nani akoyoka nsani na ntina na ngai mpe na ntina na maloba na ngai na kati na libota

oyo na pite mpe masumu, Mwana na moto akoyoka nsani na ntina na ye, wana ekoya ye kati na nkembo na Tata na ye esika moko na banje na bulee.

Yoane 14.3

Mpe soko nakokenda kobongisela bino esika, nakoya lisusu mpe nakoyamba bino epai na ngai ete esika ejali ngai, bino bojala mpe wana lokola.

Matai 24.27

Mpo ete, lokola mokalikali ekobimaka epai na likolo, ekongengaka epai na ngele, bongo mpe koya na Mwana na moto ekojala.

1 Yoane 3.2

Balingami, sasaipi tojali bana na Njambe mpe naino emonani te soko tokojala nini. Toyebi ete soko yango ekomonana, tokojala lokola ye, mpo ete tokomona ye pelamoko ejali ye.

Emoniseli 16.15

Tala! Nakoya lokola moyibi. Esengo na oyo akengeli mpe abateli bilamba na ye, ete atambola bolumbu te mpe amona nsani te.

Misala 1.11

Mpe balobi ete, Mibali na Galilai, botemi kotala na Likolo mpo na nini? Yesu oyo moko, oyo alongwi na bino kokamatama na

Likolo, akoya bobele bongo na motindo emoni bino ye kokota na Likolo.

Matai 16.27

Jambi ekoki na Mwana na moto ete aya na nkembo na Tata na ye esika moko na banje na ye mpe na ntango yango akopesa moto na moto libonja kobila misala na ye.

Luka 21.27

Na ntango yango bakomona Mwana na moto koya na lipata, na nguya na nkembo mingi.

Luka 12.40

Ekoki na bino mpe koselingwa, mpo ete Mwana na moto akoya na ntango ekokanisa bino te.

MALOPA NA NZAMBE

Najali kobatela liloba na yo na motema na ngai ete nasala mabe epai an yo te.

–Njembo 119.11

Likolo ekoleka, na nse lokola, nde maloba na ngai makoleka soko moke te.

–Luka 21.33

Liloba na yo ejali mwinda na makaka na ngai mpe pole na njela na ngai.

–Njembo 119.105

Makomi yonso mapemami na Molimo na Njambe, makoki kopesa litomba na mateyo, na mpamela, mpo na kosembola mpe mpo na kobakola, kati na

boyengebene. –2 Timote 3.16

Yesu ajongisi monoko, alobi na bango ete, Bobungi mpo ete boyebi ata makomi te, ata nguya na Njambe te.

–Matai 22.29

Mpo esakweli moko te ebimaki na mokano na moto, kasi bato bauti na Njambe balobi wana ejalaki bango kopusama na Molimo Mosanto.

–2 Petelo 1.21

E Yawe, liloba na yo etele mi na likolo lobiko na lobiko.

–Njembo 119.89

Published in numerous languages by World Missionary Press as God supplies funds in answer to prayer. If you would like more copies for careful distribution, write in English to:

World Missionary Press, Inc.
P.O. Box 120
New Paris, IN 46553-0120 USA